




**A**ber eyn fünffeck auß vnuerückten zirkel zu machen/ dem thue also/ Reiß zwey zirkel durch eynander/ also das eyns ylichen runde/ durch des andern Centrum gee/ vñ die zwey Centra a. b. zeuch mit eynrer geraden lini zusammen/ das würdet eyn leng eynrer seitten des fünffecks/ wo aber die zirkellini aneynander durch schneiden/ da setz oben eyn. c. vñ den ein. d. vñ reiß eyn geradeli. e. d. Darnach nym den vnuerückten zirkel vñnd setz in mit dem eyn fuß in den puncten. d. vñnd mit dem andern reiß durch die zwey zirkelriß/ vñnd ire bede Centra. a. b. vñnd wo die zwey runden riß durchschneiden werden do setz. e. f. Aber wo die auffrechte/ e/ d/ durchschneiden würdet/ da setz eyn g/ Darnach zeuch ein gerade lini/ e/ g/ gar hinaus bis an die zirkellini/ da setz ein/ h/ darnach zeuch ein andre gerade lini/ f/ g/ bis an die zirkellini/ da setz ein/ i/ zeuch darnach/ i/ a/ vñ/ h/ b/ gerad zusammen/ so werden drey seitten des fünffecks/ vñnd vondañ laß zwu gleich seitten leng vom/ i/ h/ oben zusam reychen/ so würdet eyn fünffeck/ wie ich das vñden hab auffgerissen.



**A**uß disem fünffeck begibte sich zumachen/ durch hilff des vorgemachten driangels/ eyn fünff zehen eck/ dem thue also/ Reiß auß dem Centro. a. eyn zirkelriß/ vñnd reiß darein die seitten des driangels oben/ b/ vñden/ c/ Darnach nym die leng der seitten eins fünffecks/ vñnd leg das eyn ort in den puncten/ b/ vñnd das ander end an den zirkelriß ob dem/ c/ da hin setz eyn/ d/ so bleybe zwischen/ d/ c/ eyn teyl ober/ das selb zirkelstrum teyl mit eynem puncten/ e/ in zwey gleiche teyl so du dann/ e/ c/ mit eynrer geraden lini zusammen zeuchst/ so würdet darauß eyn seitten eyns/ 15/ ecks/ das im zirkel herum driß/ wie ich das vñden hab auffgerissen.



**I**n neun eck ist durch eyn driangel zu finden/ also/ Reiß auß eyn zirkellini/ darein reiß mit vnuerücktem zirkel/ drey sich bloßen/ lini sey/ b/ der andern zwey end auß den seitten sey/ c/ d/ Darnach reiß auffrechte gerade lini/ b/ a/ dise lini teyl mit zweyen puncten/ 1/ 2/ in drey nechst puncten beim/ a/ sey/ vñnd far durch den puncten/ 2/ mit eynrer geraden lini/ b/ a/ vñnd wo sie die bloßen lini zu beden seitten durchschneiden eyn zirkel mit dem eyn fuß/ in das Centrum/ a/ vñnd den andern in dem/ 3/ 4/ 5/ 6/ 7/ 8/ zu rings herumb/ eyn zirkellini so gehet die leng/ e/ f/ zu neunma solchs hab ich hernach auffgerissen/ mechonice/



**S**ich bald eyn eck in eyn zirkel reissen will/ nym ich eyn vñnd erlang in eyn achte teyl aus im selbs/ vñnd far mit diser leng leufftig ein/ also das es sich mechonice/ aber nit demonstratiue eyn/ 13/ eck soll mache/ so reiß ich auß eynem Centro/ a/ eyn zirkellini/